

**গণপ্রজাতন্ত্রী বাংলাদেশ সরকার
তথ্য অধিদফতর
বাংলাদেশ সচিবালয়
ঢাকা**

সংবাদ গতিধারা

জাতীয় দৈনিকসমূহে প্রকাশিত সংবাদ, সম্পাদকীয়’র সারসংক্ষেপ, গুরুত্বপূর্ণ নিবন্ধ ও ফিচারের সংক্ষিপ্তসার
সংখ্যা ২৬/২০১৮-১৯
ঢাকা, রোববার, ৫ আগস্ট ২০১৮, ২১ শ্রাবণ ১৪২৫

আজকের দৈনিক পত্রিকাগুলো নিম্নলিখিত বিষয় প্রাধান্য দিয়ে খবর ছেপেছে

- ১। প্রধানমন্ত্রী সিরাজগঞ্জে ২২৫ মেগাওয়াট বিদ্যুৎকেন্দ্র উদ্বোধন করবেন আজ
- ২। শহিদ বীর বিক্রম রামিজ উদ্দীন ক্যান্টনমেন্ট কলেজকে ৫টি বাস উপহার দিলেন প্রধানমন্ত্রী
- ৩। প্রধানমন্ত্রী শেখ হাসিনাকে নেপালের প্রধানমন্ত্রীর ফোন এবং আসন্ন বিমসটেক সম্মেলনে আমন্ত্রণ
- ৪। নিরাপদ সড়কের দাবিতে আন্দোলনরত শিক্ষার্থীদের ৯ দফা বাস্তবায়নে কাজ শুরু হয়েছে : স্বাস্থ্যমন্ত্রী
- ৫। আন্দোলনরত শিক্ষার্থীদের রাজপথ ছেড়ে ক্লাসে ফিরে যাওয়ার আহ্বান শিক্ষামন্ত্রীর
- ৬। শিক্ষার্থীদের আন্দোলনকে ভিন্নভাবে প্রবাহিত করার জন্য স্বার্থান্বেষী মহল ফেসবুকে গুজব ছড়িয়েছে : স্বরাষ্ট্রমন্ত্রী
- ৭। শিক্ষার্থীদের আন্দোলনে রাজনৈতিক অনুপ্রবেশ ঘটেছে : সংবাদ সম্মেলনে সেতুমন্ত্রী
- ৮। ২০২০ সালের মধ্যে জিডিপির প্রবৃদ্ধি ৮ শতাংশ অর্জন করা সম্ভব : পরিকল্পনামন্ত্রী
- ৯। আন্দোলনরত শিক্ষার্থীদের দাবি বাস্তবায়নে সরকার তৎপর : তথ্যমন্ত্রী
- ১০। ফেসবুকে গুজব ছড়ানোর অভিযোগে অভিনেত্রী নওশাবাকে আটক করেছে র্যাব
- ১১। সড়কে শৃঙ্খলা ফেরাতে দেশব্যাপী ট্রাফিক সঞ্চাহ শুরু আজ

১। প্রধানমন্ত্রী সিরাজগঞ্জে ২২৫ মেগাওয়াট বিদ্যুৎকেন্দ্র উদ্বোধন করবেন আজ

বঙ্গবন্ধু সেতুর পশ্চিমপাড়ে সিরাজগঞ্জে ২২৫ মেগাওয়াট কম্বাইন্ড সাইকেল বিদ্যুৎ উৎপাদন কেন্দ্র (২য় ইউনিট) উদ্বোধন করা হচ্ছে আজ। প্রধানমন্ত্রী শেখ হাসিনা ভিডিও কনফারেন্সের মাধ্যমে বেলা ১১টায় বিদ্যুৎকেন্দ্রটি উদ্বোধন করবেন। সূত্র : জনকর্ত (শেষ পৃ.,ক.৬), প্রথম আলো (পৃ.২,ক.৫)।

২। শহিদ বীর বিক্রম রমিজ উদ্দীন ক্যান্টনমেন্ট কলেজকে ৫টি বাস উপহার দিলেন প্রধানমন্ত্রী

প্রধানমন্ত্রী শেখ হাসিনা শহিদ বীর বিক্রম রমিজ উদ্দীন ক্যান্টনমেন্ট কলেজকে ৫টি বাস উপহার দিয়েছেন। প্রধানমন্ত্রীর পক্ষে বাংলাদেশ রোড ট্রাঙ্গপোর্ট কর্পোরেশনের (বিআরটিসি) চেয়ারম্যান ফরিদ আহমেদ ভুইয়া গতকাল (৪ আগস্ট শনিবার) এক অনুষ্ঠানে কলেজ কর্তৃপক্ষের কাছে বাসগুলো হস্তান্তর করেন। কলেজকে ৫টি বাস উপহার দেওয়ায় তাঁরা প্রধানমন্ত্রীর প্রতি কৃতজ্ঞতা প্রকাশ করেন। উল্লেখ্য, গত ২৯ জুলাই এয়ারপোর্ট রোডে শহিদ বীর বিক্রম রমিজ উদ্দীন ক্যান্টনমেন্ট কলেজের শিক্ষার্থী দিয়া খানম মীম ও আবদুল করিম রাজিবের নিহত হয়। দিয়া ও রাজিবের পরিবার গত ২ আগস্ট বৃহস্পতিবার প্রধানমন্ত্রীর সঙ্গে তাঁর কার্যালয়ে সাক্ষাৎ করেন। প্রধানমন্ত্রী তাঁদের পরিবারের সদস্যদের সান্ত্বনা দেন এবং প্রত্যেক পরিবারকে ২০ লাখ টাকার সঞ্চয়পত্রের সার্টিফিকেট প্রদান করেন। শিক্ষার্থীদের নয় দফা দাবির সবগুলো দ্রুত বাস্তবায়নের জন্য প্রধানমন্ত্রী সংশ্লিষ্টদের নির্দেশ দিয়েছেন। সূত্র : ইত্তেফাক (পৃ.৩,ক.৫), যুগান্তর (শেষ পৃ.,ক.১), নিউজ টুডে (শেষ পৃ.,ক.৫), ইভিপেনডেন্ট (শেষ পৃ.,ক.১)।

৩। প্রধানমন্ত্রী শেখ হাসিনাকে নেপালের প্রধানমন্ত্রীর ফোন এবং আসন্ন বিমসটেক সম্মেলনে আমন্ত্রণ

প্রধানমন্ত্রী শেখ হাসিনার সঙ্গে ফোনে কথা বলেছেন নেপালের প্রধানমন্ত্রী। গতকাল (৪ আগস্ট শনিবার) সন্ধ্যা সাড়ে সাতটায় বাংলাদেশের প্রধানমন্ত্রীকে ফোন করেন নেপালের প্রধানমন্ত্রী। প্রধানমন্ত্রীর প্রেস সচিব ইহসানুল করিম জানান, দুই প্রধানমন্ত্রীর মধ্যে ১০ মিনিট কথা হয়। তাঁরা কুশল বিনিময় করেন। এ সময় নেপালের প্রধানমন্ত্রী কে পি শর্মা অলি বাংলাদেশের প্রধানমন্ত্রী শেখ হাসিনাকে আসন্ন বিমসটেক সম্মেলনে আমন্ত্রণ জানান এবং এ সম্মেলনে অংশগ্রহণের জন্য বিশেষভাবে অনুরোধ করেন। সূত্র : ইত্তেফাক (পৃ.২,ক.৬), ডেইলি সান (পৃ.২,ক.৮), ইভিপেনডেন্ট (পৃ.১৫,ক.১)।

৪। নিরাপদ সড়কের দাবিতে আন্দোলনরত শিক্ষার্থীদের ৯ দফা বাস্তবায়নে কাজ শুরু হয়েছে : স্বাস্থ্যমন্ত্রী

রাজধানীর বিমানবন্দর সড়কে বাসচাপায় নিহত শহীদ রমিজ উদ্দীন ক্যান্টনমেন্ট কলেজের শিক্ষার্থী দিয়া খানম মীম ও আবদুল করিম রাজিবের বাসায় গিয়ে তাঁদের পরিবারের সদস্যদের সমবেদনা জানিয়েছেন স্বাস্থ্যমন্ত্রী মোহাম্মদ নাসিমের নেতৃত্বে কেন্দ্রীয় ১৪ দলের নেতারা। গতকাল (৪ আগস্ট শনিবার) মহাখালীর দক্ষিণ পাড়ায় দিয়ার বাসায় এবং আশকোনায় রাজিবের খালার বাসায় ঘান তাঁরা। তাঁরা দুই পরিবারের সদস্যদের সান্ত্বনা দেন। মোহাম্মদ নাসিম নিহতদের পরিবারের সদস্যদের বলেন, প্রধানমন্ত্রী শেখ হাসিনার নির্দেশে শিক্ষার্থীদের ৯ দফা দাবি বাস্তবায়নের কাজ শুরু হয়েছে। প্রধানমন্ত্রীর নির্দেশে ইতিমধ্যে ঘাতক বাসচালককে গ্রেফতার করা হয়েছে। দ্রুত বিচার করে দায়ীদের শাস্তি দেওয়া হবে। সূত্র : সমকাল (পৃ.১৯,ক.৫), ইত্তেফাক (পৃ.২,ক.৮)।

৫। আন্দোলনরত শিক্ষার্থীদের রাজপথ ছেড়ে ক্লাসে ফিরে যাওয়ার আহ্বান শিক্ষামন্ত্রীর

নিরাপদ সড়কের দাবিতে আন্দোলনরত শিক্ষার্থীদের রাজপথ ছেড়ে ক্লাসে ফিরে যাওয়ার আহ্বান জানিয়েছেন শিক্ষামন্ত্রী নুরুল ইসলাম নাহিদ। তিনি জানান, শিক্ষার্থীদের দাবি বাস্তবায়নে সরকার কার্যকর পদক্ষেপ নিয়েছে। গতকাল (৪ আগস্ট শনিবার) সিলেটের বেসরকারি মেট্রোপলিটন ইউনিভার্সিটির তৃতীয় সমাবর্তন অনুষ্ঠানে প্রধান অতিথির বক্তৃতার পর সাংবাদিকদের প্রশ্নের জবাবে মন্ত্রী এ কথা বলেন। শিক্ষামন্ত্রী বলেন, সরকার নিহত শিক্ষার্থীদের পরিবারের পাশে দাঁড়িয়েছে। আহতদের সুচিকিৎসার ব্যবস্থা করেছে। এ সময় কোমলমতি শিক্ষার্থীদের শোক সংবরণ করে ধৈর্য ধরার আহ্বান জানান তিনি। সূত্র : সমকাল (পৃ.২,ক.২), ডেইলি সান (পৃ.১৩,ক.৭), বাংলাদেশ টুডে (শেষ পৃ.,ক.৬)।

৬। শিক্ষার্থীদের আন্দোলনকে ভিন্নভাবে প্রবাহিত করার জন্য

স্বার্থান্বেষী মহল ফেসবুকে গুজব ছড়িয়েছে : স্বরাষ্ট্রমন্ত্রী

স্বরাষ্ট্রমন্ত্রী আসাদুজ্জামান খান কামাল বলেছেন, আওয়ামী লীগের ধানমন্ডি কার্যালয়ে গতকাল (৪ আগস্ট শনিবার) ৪ জন ছাত্রাকে আটকে রাখা এবং একজন ছাত্রের চোখ উঠানো হয়েছে বলে ফেসবুকে যে প্রচারণা চালানো হয়েছে তা সম্পূর্ণ ভিত্তিহীন। একটি স্বার্থান্বেষী মহল এ গুজব ছড়িয়েছে। এটি ফেসবুক তৈরিকৃত একটি প্রচারণা। স্বরাষ্ট্রমন্ত্রী বলেন, বাস দুর্ঘটনায় দুঃখজনকভাবে দুই কলেজ শিক্ষার্থীর মৃত্যুতে শিক্ষার্থীদের বর্তমান আন্দোলনকে ভিন্নভাবে প্রবাহিত করার জন্য একটি স্বার্থান্বেষী মহল এ গুজব ছড়িয়েছে। সূত্র : ইন্ডিফোক (পৃ.২,ক.৫), ইনকিলাব (পৃ.১,ক.২), অবজারভার (পৃ.১,ক.২), বাংলাদেশ টুডে (পৃ.১,ক.১)।

৭। শিক্ষার্থীদের আন্দোলনে রাজনৈতিক অনুপ্রবেশ ঘটেছে : সংবাদ সম্মেলনে সেতুমন্ত্রী

সড়ক পরিবহণ ও সেতুমন্ত্রী ওবায়দুল কাদের বলেছেন, যৌক্তিক একটি আন্দোলনের মধ্যে যখন রাজনৈতিক অপশঙ্কির অনুপ্রবেশ ঘটে, তখন উদ্বিধা হতে হয়। নিরাপদ সড়কের দাবিতে আন্দোলনে এ পর্যন্ত বারবার খবর পাওয়া যাচ্ছে, এখানে রাজনৈতিক অনুপ্রবেশ ঘটেছে। গতকাল (৪ আগস্ট শনিবার) ধানমন্ডিস্থ আওয়ামী লীগ সভানেত্রীর রাজনৈতিক কার্যালয়ে দলের সম্পাদকমণ্ডলীর সভাশেষে অনুষ্ঠিত সংবাদসম্মেলনে তিনি এ কথা বলেন। সূত্র : ইন্ডিফোক (পৃ.১৯,ক.৬), সমকাল (পৃ.১,ক.১), ইডিপেনডেন্ট (পৃ.১,ক.৫), ডেইলি সান (পৃ.১,ক.৬)।

৮। ২০২০ সালের মধ্যে জিডিপির প্রবৃদ্ধি ৮ শতাংশ অর্জন করা সম্ভব : পরিকল্পনামন্ত্রী

পরিকল্পনামন্ত্রী আহ ম মুস্তফা কামাল বলেছেন, ২০২০ সালের মধ্যে মোট দেশজ উৎপাদনের (জিডিপি) প্রবৃদ্ধি ৮ শতাংশ অর্জন করা সম্ভব। তিনি আরো বলেন, ৮ থেকে সাড়ে ৮ শতাংশ প্রবৃদ্ধি অন্তত তিনি বছর ধরে রাখতে হবে। একটি সুন্দর সমৃদ্ধ বাংলাদেশ গড়ে তোলার জন্য সকলকে এগিয়ে আসতে হবে এবং এ জন্য সবাইকে একযোগে কাজ করতে হবে। গতকাল (৪ আগস্ট শনিবার) বাংলাদেশ পল্লি উন্নয়ন একাডেমি (বার্ড) কুমিল্লার লালমাই অডিটরিয়ামে দুই দিনব্যাপী বার্ডের ৫১তম বার্ষিক পরিকল্পনা সম্মেলনের উদ্বোধন অনুষ্ঠানে মন্ত্রী এসব কথা বলেন। সূত্র : ইন্ডিফোক (পৃ.১৯,ক.৮)।

৯। আন্দোলনরত শিক্ষার্থীদের দাবি বাস্তবায়নে সরকার তৎপর : তথ্যমন্ত্রী

তথ্যমন্ত্রী হাসানুল হক ইনু এমপি বলেছেন, শিক্ষার্থীদের আন্দোলনের ৯ দফা দাবি বাস্তবায়নে পদক্ষেপ নিয়েছে সরকার। যেখানে সমস্যা সমাধানে সরকার তৎপর সেখানে সরকারকে কোনো রাজনৈতিক মহল থেকে দোষারোপ করা সঠিক নয়। গতকাল (৪ আগস্ট শনিবার) কুষ্টিয়ার মিরপুর উপজেলা স্বাস্থ্য কমপ্লেক্সে অ্যাম্বুলেন্স প্রদান ও হাসপাতাল ব্যবস্থাপনা কমিটির সঙ্গে মতবিনিময় শেষে সাংবাদিকদের তিনি এসব কথা বলেন। সূত্র : ইন্ডিফোক (পৃ.২,ক.৬), জনকঠ (শেষ পৃ.,ক.১), নিউজ টুডে (পৃ.৩,ক.৫), ফিনানশিয়াল এক্সপ্রেস (পৃ.২,ক.৫)।

১০। ফেসবুকে গুজব ছড়ানোর অভিযোগে অভিনেত্রী নওশাবাকে আটক করেছে র্যাব

সামাজিক যোগাযোগ মাধ্যম ফেসবুকে গুজব ছড়ানোর অভিযোগে অভিনেত্রী কাজী নওশাবা আহমেদকে আটক করেছে র্যাব। গতকাল (৪ আগস্ট শনিবার) রাজধানীর উত্তরা থেকে তাকে আটক করা হয়। র্যাবের লিঙ্গাল এন্ড মিডিয়া উইংসের পরিচালক কমান্ডার মুফতি মাহমুদ খান বিষয়টি নিশ্চিত করেছেন। গতকাল ফেসবুক লাইভে কাজী নওশাবা দাবি করেন, রাজধানীর জিগাতলায় একজন শিক্ষার্থীর চোখ তুলে ফেলা ও চার শিক্ষার্থীকে মেরে ফেলা হয়েছে। তবে খোঁজ নিয়ে তার এসব তথ্যের কোন সত্যতা পাওয়া যায়নি। এমন অপপ্রচারে দেশে-বিদেশে বিভাস্তি ছড়িয়ে পড়ে। চারদিকে গুজবের ডালপালা বাঢ়তে থাকে। পুলিশের পক্ষ থেকে বিষয়টি নিয়ে ব্যাপক অনুসন্ধান চালানো হলে এ গুজবের কোন সত্যতা মেলেনি। সূত্র : জনকঠ (পৃ.১,ক.৮), ইডিপেনডেন্ট (শেষ পৃ.,ক.৬), নিউ নেশন (পৃ.১,ক.১)।

১১। সড়কে শৃঙ্খলা ফেরাতে দেশব্যাপী ট্রাফিক সঞ্চাহ শুরু আজ

সড়কে শৃঙ্খলা ফেরাতে আজ (৫ আগস্ট রোববার) থেকে দেশজুড়ে শুরু হবে ট্রাফিক সঞ্চাহ। পুলিশ সদস্যরা স্কার্ট-গার্লস গাইডদের নিয়ে যানবাহনের বৈধতা, মেয়াদ, ফিটনেস, চালকের লাইসেন্স যাচাই-বাছাই করবেন ট্রাফিক আইন মানার সংস্কৃতি ধারণ করতে সকলের সহযোগিতা প্রয়োজন। শিক্ষার্থীদের দাবির প্রতি

পুলিশের নৈতিক সমর্থন রয়েছে। গতকাল (৪ আগস্ট শনিবার) ডিএমপি মিডিয়া সেন্টারে আয়োজিত সংবাদ সম্মেলনে এমন ঘোষণা দেন ঢাকা মহানগর পুলিশ কমিশনার আছাদুজ্জামান মির্যা। সূত্র : ইন্ডিফোক (শেষ পৃ.,ক.৪), সমকাল (শেষ পৃ.,ক.৪), ইভিপেনডেন্ট (শেষ পৃ.,ক.৮), ডেইলি সান (শেষ পৃ.,ক.৪)।

সম্পাদকীয়

- ক. **ইন্ডিফোক** : দেশের শতাধিক পৌরসভায় পর্যাপ্ত নাগরিক সুবিধা না থাকায় এসকল পিছিয়ে পড়া পৌর জনপদের উন্নয়নে নজর দেওয়ার সুপারিশ।
- খ. **জনকর্ত** : দেশের মোট জনসংখ্যার আড়াই কোটির বেশি মানুষ অপুষ্টিতে ভুগছে যার মধ্যে ৬০ শতাংশ নারী এ তথ্যে উদ্বেগ প্রকাশ করে এ ব্যাপারে সচেতনতার আহ্বান।
- গ. **ভোরের কাগজ, যায়যায়দিন**: নিরাপদ সড়কের দাবিতে শিক্ষার্থীদের চলমান আন্দোলনের মধ্যেই রাজধানীসহ আটটি জেলায় সড়কে প্রাণ গেল আরো ১২ জনের উল্লেখ করে সড়ক দুর্ঘটনা প্রতিরোধে প্রয়োজনীয় সব ব্যবস্থা নেওয়ার ওপর গুরুত্বারোপ।
- ঘ. **সমকাল** : জয়পুরহাটের ক্ষেত্রলাল উপজেলার তুলসীগঙ্গা ইউনিয়নে বয়স্ক, বিধবা ও প্রতিবন্ধী ভাতার উপকারভোগীদের তালিকা প্রণয়নে ব্যাপক অনিয়ম ও দুর্বীতির চিহ্ন পাওয়া যাচ্ছে উল্লেখ করে দেশের অনেক স্থানে এ ধরনের পরিস্থিতি নিরসনে কঠোর পদক্ষেপ কামনা।
- ঙ. **বণিক বার্তা** : ভুয়া কোম্পানি তৈরি, জাল দলিলপত্র জমা দিয়ে ব্যাংক থেকে হাজার হাজার কোটি টাকা খণ্ড নেওয়ার অভিযোগ আমলে নিয়ে এ ব্যাপারে কঠোর ব্যবস্থা নেওয়ার সুপারিশ।
- চ. **ডেইলি সান** : কোরবানি স্টেড উপলক্ষে রাজধানী ও অন্যান্য বড় শহরে যত্রত্র পশুরহাট বসায় তা জনদুর্ভোগের কারণ হয় উল্লেখ করে এ ব্যাপারে কার্যকর পদক্ষেপ নেওয়ার সুপারিশ।।
- ছ. **ইভিপেনডেন্ট** : প্লাস্টিক পণ্য পরিবেশ দূষণের কারণ হচ্ছে উল্লেখ করে প্লাস্টিক পণ্য বর্জনে সবাইকে সচেতন করার পাশাপাশি কঠোর পদক্ষেপ নেওয়ার ওপর গুরুত্বারোপ করে সম্পাদকীয় প্রকাশ।

উপসম্পাদকীয়

সমকাল পত্রিকায় প্রকাশিত কলামে উল্লেখ করা হয়েছে, নিরাপদ সড়ক নিশ্চিত করতে যত রকম ব্যবস্থা নেওয়া দরকার সে সবই কঠোর অবস্থান নিয়ে করতে হবে।

নিবন্ধ ও ফিচার

ইন্ডিফোক পত্রিকায় প্রকাশিত ‘হালদাকে বাঁচতে দিন’ শিরোনামের নিবন্ধে অভিমত প্রকাশ করা হয়েছে, জনসচেতনতা তৈরি ও সরকারের দায়িত্বশীল ভূমিকাই পারে প্রাকৃতিক মৎস্য প্রজনন ক্ষেত্র হালদা নদীকে টিকিয়ে রাখতে।

#

